

20. Գյուղատնտեսական գործունեություն

Հաշվետու տարվա գյուղատնտեսական գործունեությունը ներառում է միամյա բույսերի աճեցմամբ գյուղատնտեսական արտադրանքի (լոլիկ, վարունգ) արտադրությունը:

Քանի որ կենսաբանական ակտիվի (միամյա բույսեր) իրական արժեքը հեշտությամբ որոշելի չէ՝ առանց անհարկի ծախսումների կամ ջանքերի, կենսաբանական ակտիվները չափվել են ինքնարժեքով՝ հանած կուտակված մաշվածությունը և արժեզրկումից կուտակված կորուստները:

Սպառվող կենսաբանական ակտիվներ

‘000 դրամ

	<i>Մնացորդ 31.12.2024թ</i>	<i>Մնացորդ 31.12.2023թ</i>
Ընդամենը, այդ թվում՝	159,810	510,336
• միամյա բույսեր	159,810	510,336

Կենսաբանական ակտիվներից հավաքված գյուղատնտեսական արտադրանքը չափվում է բերքահավաքի պահի իրական արժեքով՝ հանած վաճառքի ծախսումները: Իրական արժեքով չափումից օգուտը (կորուստը) ճանաչվում է ֆինանսական արդյունքի մասին հաշվետվությունում: Գյուղատնտեսական արտադրանքի (լոլիկ, վարունգ) իրական արժեքի չափումը իրականացվում է խմբավորման միջոցով՝ ըստ նշանակալի հատկանիշների (տեսակ, տարիք, որակ): Վաճառքի ծախսումները չեն ներառում տրանսպորտային ծախսերը:

2024թ. արտադրվել է լոլիկ՝ 7,240 տն. (2023թ.՝ 8,096 տն) և վարունգ՝ 19 տն(2023թ.՝ 33 տն):

‘000 դրամ

	<i>2024թ.</i>	<i>2023թ.</i>
Ընդամենը, այդ թվում՝	3,326,717	3,428,144
• լոլիկից	3,317,611	3,416,216
• վարունգից	9,106	11,928

Գյուղատնտեսական գործունեությունից ծախսեր

‘000 դրամ

	<i>2024թ.</i>	<i>2023թ.</i>
Ընդամենը, այդ թվում՝	(1,844,577)	(2,014,182)
• նյութեր	(303,219)	(351,483)
• աշխատավարձ	(353,933)	(277,883)
• մաշվածություն և վերանորոգում	(340,966)	(303,855)
• ջեռուցում և էլ. էներգիա	(293,397)	(291,725)
• միամյա բույսերի և այգիների վրա կատարվող ընթացիկ ծախսեր	(510,336)	(756,412)

21. Իրացման ծախսեր

‘000 դրամ

	<i>2024թ.</i>	<i>2023թ.</i>
Ընդամենը, այդ թվում՝	(571,875)	(725,640)
• նյութեր	(173,028)	(231,845)
• աշխատավարձ	(30,654)	(27,608)
• մաշվածություն և վերանորոգում	(18,871)	(14,803)
• տրանսպորտ և ապահովագրական ծախսեր	(292,028)	(430,116)

22. Այլ ծախսեր

‘000 դրամ	2024թ.	2023թ.
Այլ եկամուտներ (օգուտներ) ընդամենը, այդ թվում՝	32,439	59,503
• պետությունից ստացված շնորհներ	7,609	6,287
• անհատույց ստացված ակտիվներ	7,204	1,965
• այլ պաշարների օտարումից	15,581	16,198
• նյութական վնասի փոխհատուցումից	2,045	35,053
 ‘000 դրամ	 2024թ.	 2023թ.
Այլ ծախսեր (վնասներ) ընդամենը, այդ թվում՝	(167,935)	(76,026)
• խոտանված, ոչնչացված ապրանքներից (ճշգրտումներից)	(45,422)	(5,149)
• տույժերից, հարկերի պակասեցումից	(23,665)	(13,967)
• արտարժույթի փոխարկումից	(50,940)	(21,625)
• պարտքերի ճշգրտումներից	(28,343)	(26,406)
• այլ պաշարների վաճառքից	(13,976)	(8,879)
• անհատույց տրված ակտիվներից	(5,076)	-

23. Ֆինանսական եկամուտներ (ծախսեր)

2024թ.-ին ֆինանսական եկամուտները առաջացել են բանկային հաշիվներում դրամական միջոցների մնացորդների նկատմամբ հաշվարկված տոկոսներից՝ 78 հազար դրամ (2023թ.-ին՝ 1 հազար դրամ):

‘000 դրամ	2024թ.	2023թ.
Ֆինանսական ծախսեր ընդամենը, այդ թվում՝	(1,018,300)	(783,961)
• վարկերի գծով (ծանոթ.14)	(486,925)	(368,404)
• փոխառությունների գծով (ծանոթ.15)	(531,375)	(415,557)

24. Շահութահարկ

Շահութահարկի դրույքաչափը 2024թ. 18% է (2023թ.-ին՝ 18%):

‘000 դրամ	2024թ.	2023թ.
• շահույթ (վնասում) ճանաչված շահութահարկի գումար, այդ թվում՝	61,965	614
○ ընթացիկ հարկի գծով	-	-
○ հետաձգված հարկի գծով	61,965	614
• ուղղակիորեն սեփական կապիտալում ճանաչված շահութահարկի գումար	131,131	281,833

Հարկի գործող միջին դրույքի և հարկի կիրառվող դրույքի թվային համադրում

‘000 դրամ	2024թ.	2023թ.
Հարկի գործող միջին դրույքի և հարկի կիրառվող դրույքի թվային համադրում		
Հարկի կիրառվող դրույք	18%	18%
Շահույթը (վնասը) մինչև հարկումը	71,610	(276,964)
Չնվազեցվող ծախսեր/հարկվող եկամուտներ	(71,610)	276,964
Հարկվող շահույթը	-	-

**«Գրին Ֆարմեր» սահմանափակ պարտասխանաբերությամբ ընկերություն
Ֆինանսական հաշվետվություններին կից ծանոթագրություններ**

Ընթացիկ հարկ

- -

Հարկի գործող միջին դրույքը

-% -%

Ընկերությունը օգտվում է հարկային օրենսդրությամբ նախատեսված գյուղատնտեսական արտադրանքի գծով շահութահարկի վճարման ազատման արտոնությունից մինչև 2026թ. դեկտեմբերի 31-ը: Հետաձգված հարկերը ճանաչվել են այն ժամանակավոր տարբերությունների գծով, որոնք առաջանում են շահութահարկի վճարման ազատման արտոնության կիրառումից հետո:

Ճանաչված հետաձգված հարկային ակտիվներ և պարտավորություններ

‘000 դրամ

	Ծանոթ.	(+) Հարկվող ժամանակավոր տարբերություն (-) Նվազեցվող (հանվող) ժամանակավոր տարբերություն	
		31.12.2024	2025-2026թթ.
		վերագրվող մասը*	
Հիմնական միջոցներ	6	56,715	26,605
Առևտրական դեբիտորական պարտքեր (արժեզրկման պահուստ)	11	-	(8,664)
Փոխառություններ	15	1,969,174	325,072
Աշխատավարձի և այլ կարճ.հատուցումների գծով պարտավորություններ	18	-	(14,076)
Ընդամենը		2,025,889	
Հարկի դրույքը		18%	
Հետաձգված հարկային պարտավորություններ		364,660	

*որոնց գծով չի ճանաչվել հետաձգված հարկեր

«Հիմնական միջոցներ» հոդվածում հարկվող ժամանակավոր տարբերությունը առաջացել է հիմնական միջոցի միավորի՝ ֆինանսական ու հարկային հաշվառման նպատակներով տարբեր օգտակար ծառայության ժամկետների կիրառումից: «Առևտրական դեբիտորական պարտքեր» հոդվածում նվազեցվող ժամանակավոր տարբերությունը առաջացել արժեզրկման գծով պահուստից: «Փոխառություններ» հոդվածում հարկվող ժամանակավոր տարբերությունը առաջացել անտոկոս փոխառությունների զեղչումից (փոխառությունների սկզբնական չափման ժամանակ առաջացած հարկային հետևանքը (հետաձգված հարկային պարտավորությունը) ճանաչվել է սեփական կապիտալում): «Աշխատավարձի և այլ կարճաժամկետ հատուցումների գծով պարտավորություն» հոդվածում ժամանակավոր տարբերությունը առաջացել է աշխատակիցների կուտակվող փոխհատուցելի բացակայությունների գծով:

Չկան որևէ նվազեցվող (հանվող) ժամանակավոր տարբերություններ, չօգտագործված հարկային վնասներ և չօգտագործված հարկային զեղչեր, որոնց համար ֆինանսական վիճակի մասին հաշվետվությունում չի ճանաչվել որևէ հետաձգված հարկային ակտիվ:

25. Ծախսերում կամ վնասում ճանաչված ծախսերի բաժանումը (վերլուծումը)՝ ծախսերի ըստ բնույթի դասակարգմամբ

‘000 դրամ

	Ծանոթ.	2024թ.	2023թ.
Հասույթ	19	3,945,348	3,550,680
Այլ եկամուտներ	22	32,439	59,503
Օգտագործված հումք, նյութեր և ապրանքներ	9	(951,180)	(861,463)
Աշխատավարձ և կարճ. այլ հատուցումներ		(537,456)	(478,552)
ՀՄ-ների մաշվածություն	6	(404,819)	(402,272)
ՈՆԱ-ների ամորտիզացիա	7	(394)	(453)

**«Գրին Ֆարմեր» սահմանափակ պատասխանատվությամբ ընկերություն
Ֆինանսական հաշվետվություններին կից ծանոթագրություններ**

Էլ. էներգիա, բնական գազ, աղբահանություն		(325,178)	(383,994)
Բեռնափոխադրում		(331,374)	(430,116)
Դեբիտորական պարտքերի անհավաքագրելիությունից (արժեզրկումից) եկամուտ (ծախս)	11	(165)	2,367
Գործառնական այլ ծախսեր/ այլ եկամուտներ		(470,736)	(238,626)
Գործառնական շահույթ		956,485	817,074
Ֆինանսական ծախսեր	23	(1,018,222)	(783,960)
Փոխարժեքային տարբերությունից օգուտ (վնաս)		133,347	(310,078)
Շահույթ (վնաս) մինչև հարկումը		71,610	(276,964)
Շահութահարկի գծով եկամուտ	24	61,965	614
Զույր շահույթ (վնաս)		133,575	(276,350)

26. Իրական արժեք. ֆինանսական ռիսկերի կառավարման նպատակներն ու քաղաքականությունը

Իրական արժեք. Հիմնական ֆինանսական ակտիվներն են առևտրական և այլ դեբիտորական պարտքերը, դրամական միջոցները, իսկ ֆինանսական պարտավորությունները՝ վարկերը, փոխառությունները, առևտրական և այլ կրեդիտորական պարտքերը: Ֆինանսական ակտիվները և ֆինանսական պարտավորությունները չափվում են ամորտիզացված արժեքով և դրանց գնահատված իրական արժեքները մոտավորապես համապատասխանում են հաշվեկշռային արժեքներին:

Ֆինանսական ռիսկերի կառավարման հիմունքներ. Ընկերությունը ենթարկվում է պարտքային, իրացվելիության և շուկայական ռիսկերի: Ընկերության ղեկավարությունը պատասխանատու է ռիսկերի կառավարման համակարգի կազմակերպման համար և վերահսկում է այդ ռիսկերի կառավարման գործընթացը: Ռիսկերի կառավարման քաղաքականության նպատակն է բացահայտել և վերլուծել այն ռիսկերը, որոնց ենթարկվում է Ընկերությունը, սահմանել ռիսկերի համապատասխան սահմանաչափեր և վերահսկողության մեխանիզմներ, ինչպես նաև վերահսկել ռիսկերի մակարդակները և դրանց համապատասխանությունը սահմանված սահմանաչափերին: Ընկերությունը չի հեջավորում իր ենթարկվածությունը այդ ռիսկերին:

Պարտքային ռիսկ. Այն բանի ռիսկն է, որ ֆինանսական գործիքի մի կողմը իր պարտականությունների չկատարմամբ մյուս կողմի համար կառաջացնի ֆինանսական կորուստ: Ընկերությունը ենթարկվում է պարտքային ռիսկին՝ կապված գործառնական գործունեության (հիմնականում առևտրական դեբիտորական պարտքեր) հետ:

Վաճառքների գծով պարտքային ռիսկի կառավարումն իրականացվում է հաշվապահության կողմից: Դեբիտորական պարտքի մարումը իրականացվում է կանոնավոր՝ հաջորդ ամսվա ընթացքում: Յուրաքանչյուր հաշվետու ամսաթվի դրությամբ իրականացվում է բոլոր գնորդների համար արժեզրկման (անհավաքագրելիության) ստուգում՝ անհատական հիմունքով: Հաշվարկները սահմանվում են անցյալում փաստացի կրած վնասների հիման վրա: Պարտքերի համար ապահովություն (գրավ) չի պահանջվում: Գնորդը չունի արտաքին պարտքային վարկանիշ: Պարտքային ռիսկին առավելագույն ենթարկվածությունը ֆինանսական ակտիվների հաշվեկշռային արժեքն է հաշվետու ամսաթվի դրությամբ: Առևտրական դեբիտորական պարտքերի ռիսկի համակենտրոնացումը գնահատվում է ցածր:

Իրացվելիության ռիսկ. Այն բանի ռիսկն է, որ Ընկերությունը դժվարություններ կունենա իր պարտականությունները կատարելիս, որոնք մարվելու են դրամական միջոց կամ այլ ֆինանսական ակտիվ տրամադրելով: Ընկերությունը իրականացնում է դրամական միջոցների դեֆիցիտի ռիսկի նկատմամբ վերահսկողություն՝ օգտագործելով շարունակական իրացվելիությունը պլանավորելու գործիքը:

Ստորև ներկայացված է ֆինանսական պարտավորությունների մարման վերաբերյալ ամփոփ տեղեկատվություն՝ հիմնված չգեղջված պայմանագրային վճարումների վրա, ինչպես նաև հաշվեկշռային արժեքները:

**«Գրին Ֆարմեր» սահմանափակ պարտասխանաբերություն ընկերություն
Ֆինանսական հաշվետվություններին կից ծանոթագրություններ**

‘000 դրամ

31.12.2024թ.

Պայմանագրային վճարումներ

**Հաշվեկշռային
արժեք**

	Ցպա հանջ	մինչև 1 տարի	1 տարուց ավել	Ընդամենը	
Վարկեր	-	250,272	6,109,250	6,359,522	6,359,522
Փոխառություններ	-	285,762	1,741,536	2,027,298	2,027,298
Առևտրական և այլ կրեդիտորական պարտքեր	-	68,770	-	68,770	68,770
Այլ պարտավորություններ	-	30,094	-	30,094	30,094

‘000 դրամ

31.12.2023թ.

Պայմանագրային վճարումներ

**Հաշվեկշռային
արժեք**

	Ցպա հանջ	մինչև 1 տարի	1 տարուց ավել	Ընդամենը	
Վարկեր	-	3,728,044	-	3,728,044	3,728,044
Փոխառություններ	-	199,197	4,604,181	4,803,378	3,237,638
Առևտրական և այլ կրեդիտորական պարտքեր	-	166,962	-	166,962	166,962
Այլ պարտավորություններ	-	30,850	-	30,850	30,850

Շուկայական ռիսկ. Այն բանի ռիսկն է, որ ֆինանսական գործիքի իրական արժեքը կամ ապագա դրամական հոսքերը կտատանվեն շուկայական գների փոփոխությունների հետևանքով: Շուկայական ռիսկը ներառում է երեք տեսակի ռիսկ՝ արժույթային ռիսկ, տոկոսադրույքային ռիսկ և այլ գնային ռիսկ: Շուկայական ռիսկին ենթարկվող ֆինանսական գործիքները ներառում են վարկերը և փոխառությունները, գնումների գծով կրեդիտորական պարտքերը, ֆինանսական երաշխավորության պայմանագրերը, վաճառքների գծով դեբիտորական պարտքերը, դրամական միջոցները:

Արժույթային ռիսկ. Այն բանի ռիսկն է, որ ֆինանսական գործիքի իրական արժեքը կամ ապագա դրամական հոսքերը կտատանվեն արտարժույթի փոխարժեքների փոփոխությունների հետևանքով: Արտարժույթի փոխարժեքների փոփոխության ռիսկին ենթարկվում է արտարժույթով վարկերը և փոխառությունները: Արժույթները, որոնք հիմնականում առաջացնում են նման ռիսկեր՝ Եվրո, ԱՄՆ դոլար և Ռուսական ռուբլին:

Ընկերությունը ունի արտարժույթով գնանշված հետևյալ ֆինանսական գործիքները.

Հոդված	USD		EUR		RUB	
	2024	2023	2024	2023	2024	2023
Ընթացիկ ակտիվներ						
Առևտրական դեբիտորական պարտքեր	-	117,533	418,651	-	2,056,650	2,106,650
Դրամական միջոցներ	906,728	2	-	3	3	14,663
Ընթացիկ պարտավորություններ						
Վարկեր	16,036,721	-	-	7,882,759	-	-
Փոխառություններ	9,564,870	5,759,139	746,431	100,000	-	-
Առևտրական և այլ կրեդիտորական պարտքեր	-	-	21,786	60,000	-	-
Զույգ հաշվեկշիռ	(24,694,863)	(5,641,604)	(349,566)	(8,042,756)	2,056,653	2,121,313

Որպես սփոթ փոխանակման փոխարժեք ընդունվում է արժույթային շուկայում ձևավորված արտարժույթների միջին փոխարժեքը՝ 31.12.2024թ. դրությամբ 1 եվրոյի փոխարժեքը կազմել է 413.89 դրամ (31.12.2023թ – 447.90 դրամ), 1

«Գրին Ֆարմեր» սահմանափակ պարասխանաբերական ընկերություն
Ֆինանսական հաշվետվություններին կից ծանոթագրություններ

ԱՄՆ դոլարի փոխարժեքը- 396.56 դրամ (31.12.2023թ - 404.79 դրամ), 1 Ռուբլու փոխարժեքը- 3.71 դրամ (31.12.2023թ.-4.50 դրամ):

Աղյուսակում ներկայացված է ԱՄՆ դոլարի, Եվրոի փոխարժեքի հնարավոր փոփոխության նկատմամբ զգայունությունը՝ այլ փոփոխականների հաստատուն լինելու դեպքում: Ընկերության նախքան հարկումը շահույթի վրա ազդեցությունը պայմանավորված է դրամական ակտիվների և պարտավորությունների իրական արժեքների փոփոխություններով: Այլ արժույթների փոփոխությունների նկատմամբ Ընկերության ենթարկվածությունը էական չէ:

	Արտարժույթ	Փոխարժեքի փոփոխություն	Նախքան հարկումը շահույթի վրա ազդեցությունը ('000 դրամ)
2024թ.	ԱՄՆ դոլար	+5%/-5%	489,649/(489,649)
2023թ.	ԱՄՆ դոլար	+5%/-5%	114,183/(114,183)
2024թ.	Եվրո	+6%/-6%	8,680/(8,680)
2023թ.	Եվրո	+6%/-6%	216,141/(216,141)

Տոկոսադրույքային ռիսկ. Այն բանի ռիսկն է, որ ֆինանսական գործիքի իրական արժեքը կամ ապագա դրամական հոսքերը կտատանվեն՝ շուկայական տոկոսադրույքների փոփոխությունների հետևանքով: Տոկոսադրույքի փոփոխությունները գլխավորապես ազդում են վարկերի վրա՝ փոփոխելով նրանց իրական արժեքը: Ստացված վարկերը ֆիքսված տոկոսադրույքով են: Ղեկավարությունը չունի ձևակերպված քաղաքականություն ֆիքսված կամ փոփոխական տոկոսադրույքների նկատմամբ Ընկերության ենթարկվածությունը: Նոր տոկոսակիր ֆինանսական պարտավորությունների ներգրավման դեպքում ղեկավարությունը հիմնվում է իր դատողությունների վրա, որոշելու, թե որ տիպի տոկոսադրույքը ավելի բարենպաստ կլինի Ընկերության համար մինչև ակնկալվող մարման ժամկետի ընթացքում:

Ընկերությունը ունի ֆիքսված տոկոսադրույքով տոկոսակիր ֆինանսական գործիքների հետևյալ կառուցվածքը.

	Հաշվեկշռային արժեք	
'000 դրամ	31.12.2024թ.	31.12.2023թ.
Ֆինանսական ակտիվներ	-	-
Ֆինանսական պարտավորություններ	8,386,820	6,965,683
Զուտ հաշվեկշիռ	(8,386,820)	(6,965,683)

Այլ գնային ռիսկ. Այն բանի ռիսկն է, որ ֆինանսական գործիքի իրական արժեքը կամ ապագա դրամական հոսքերը կտատանվեն շուկայական գների փոփոխությունների (բացի տոկոսադրույքային ռիսկից և արժույթային ռիսկից առաջացողներից) արդյունքում, անկախ այն բանից, թե այդ փոփոխությունները պայմանավորված են առանձին ֆինանսական գործիքին կամ դրա թողարկողին հատուկ գործոններով, թե շուկայում շրջանառվող բոլոր նմանատիպ ֆինանսական գործիքների վրա ազդող գործոններով: Այլ գնային ռիսկերի ազդեցությունը էական չէ:

27. Կապիտալի կառավարում

Կապիտալի կառավարման հիմնական նպատակն է սեփական կապիտալի վարկունակության կայունության և ֆինանսական ցուցանիշների համապատասխան մակարդակի պահպանումն է՝ Ընկերության գործունեության աջակցության և մասնակիցների շահույթը մաքսիմալացնելու նպատակով:

Ընկերությունը չունի կապիտալի կառավարման ձևակերպված քաղաքականություն: Ընկերությունը կառավարում է իր կապիտալի կառուցվածքը և կատարում է ճշգրտումներ՝ տնտեսական պայմանների փոփոխություններին համապատասխան:

Պարզի և սեփական կապիտալի հարաբերակցություն

'000 դրամ	2024	2023
Ընդամենը պարտավորություններ	8,863,846	7,511,449
Դրամական միջոցներ և դրանց համարժեքներ	361,307	339
Ընդամենը զուտ պարտք	8,502,539	7,511,110
Ընդամենը սեփական կապիտալ	3,921,140	2,658,814
Զուտ պարտքի և սեփական կապիտալի հարաբերակցություն	2.2	2.8

28. Կապակցված կողմերի բացահայտումներ

Կապակցված կողմերի հետ գործարքներ. Մասնակիցները Ընկերությանը տրամադրել են անտոկոս երկարաժամկետ փոխառություններ, որոնց վերաբերյալ բացահայտումներ կատարվել են ծանոթագրություն 15-ում:

Առանցքային կառավարչական անձնակազմին հարուցումներ. Առանցքային կառավարչական անձնակազմին կարճաժամկետ հատուցումները (աշխատավարձ) 2024թ. կազմել է 81,571 հազար դրամ (8 անձ) և 2023թ.՝ 81,161 հազար դրամ (7 անձ): Առանցքային կառավարչական անձնակազմին այլ հատուցումներ չեն եղել:

29. Պայմանականություններ

Ապահովագրություն. ՀՀ-ում ապահովագրության ոլորտը գտնվում է զարգացման փուլում: Ներմուծվում են զարգացած երկրներում վաղուց կիրառելի ապահովագրական գործիքներ:

Հաշվետու տարվա վերջի դրությամբ Ընկերությունը իրականացրել է ավտոտրանսպորտային միջոցների օգտագործումից բխող պատասխանատվության պարտադիր ապահովագրություն (ԱՊՊԱ):

Քանի դեռ չի իրականացված ակտիվների ամբողջական ապահովագրություն, առկա է ռիսկ, որ որոշակի ակտիվների կորուստը կամ ոչնչացումը կարող է ունենալ բացասական ազդեցություն Ընկերության ֆինանսական վիճակի և ֆինանսական արդյունքների վրա:

Դադարկան հայցեր. 2024թ. դեկտեմբերի 31-ի և սույն ֆինանսական հաշվետվությունների վավերացման ամսաթվի դրությամբ Ընկերության դեմ հարուցված դատական հայցեր չկան:

Հարկերի հաշվառման անորոշություններ և պայմանականություններ. ՀՀ հարկային համակարգը, հարկային հարաբերությունները կարգավորվում է հիմնականում ՀՀ հարկային օրենսգրքով: Օրենսդրությունում փոփոխությունները, պաշտոնական պարզաբանումները կամ իրազեկումները, դատական մարմինների որոշումները, օրենսդրության տարընթերցումները, տարաբնույթ մեկնաբանությունները առաջացնում են հարկային պարտավորությունների գնահատման անորոշություններ: Ներկայացված և վճարված հարկային պարտավորությունների ճշտությունը ենթակա է ստուգման հարկային մարմինների կողմից, որոնք խախտումների համար իրավասու են առաջադրել տույժեր, տուգանքներ: Հարկային պարտավորությունները չեն կարող փոփոխվել, եթե դրանք վերաբերում են երեք տարուց ավել վաղեմությանը:

Ղեկավարությունը որոշում է, թե արդյոք հարկավոր է դիտարկել յուրաքանչյուր հարկային անորոշությունն առանձին կամ մեկ և ավելի հարկային անորոշությունների հետ միասին՝ կախված նրանից, թե որ մոտեցումն է թույլ տալիս լավագույնս կանխատեսել անորոշության լուծումը: Ղեկավարությունը ենթադրում է, որ հարկային մարմինը կստուգի այն գումարները, որոնք նա իրավունք ունի ստուգելու և այդ ստուգումները կատարելիս՝ կունենա համապատասխան տեղեկություններին վերաբերող ամբողջական տեղեկատվություն:

Ղեկավարությունը գտնում է, որ ճիշտ է ճանաչել հարկային պարտավորությունները: Այնուամենայնիվ, հարկային մարմինը կարող է ունենալ Ընկերության կողմից հաշվարկված և ներկայացված հարկային պարտավորությունների վերաբերյալ այլ մեկնաբանություններ, որոնք կարող են ի հայտ գալ ստուգումների, ուսումնասիրությունների ընթացքում:

30. Հաշվետու ժամանակաշրջանից հետո տեղի ունեցող դեպքեր

Ճշգրտող կամ էական չճշգրտող դեպքեր տեղի չեն ունեցել հաշվետու ամսաթվից (31.12.2024թ) հետո մինչև վավերացման ամսաթիվը (11.06.2025թ.) ընկած ժամկալատվածում:

31. Ֆինանսական հաշվետվությունների վավերացում

Ֆինանսական հաշվետվությունները ստորագրվել են հրապարակման համար 2025թ. հունիսի 11-ին՝ տնօրեն Արմեն Գրիգորյանի և գլխավոր հաշվապահ Տիգրան Օրբելյանի կողմից:

Տնօրեն

Արմեն Գրիգորյան

Գլխավոր հաշվապահ

Տիգրան Օրբելյան

